

Zeitschrift: Le nouveau conteur vaudois et romand
Band: 94 (1966)
Heft: 1-2

Artikel: Ona fârce de capotzin : (patois de Fully)
Autor: Favre, D.
DOI: <https://doi.org/10.5169/seals-234416>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 13.03.2025

ETH-Bibliothek Zürich, E-Periodica, <https://www.e-periodica.ch>

Ona fârce de capotzin

(Patois de Fully)

Tsacon sâ dzâ que li capotzin, ein grôssa partiâ, l'an la garguetta finna por dégustâ lo vîn. Tot paray mîmamein eintsi leu, comme à l'écoula, li règle l'an de z'essepchons. Et pouay quand mimo y'ein aray on u dou su melle que mainteindrîn pas leu reputachon de buveu, ein li einpatze pas de bîn fire leu vacachon, de confessâ adray li dzovénes amou-aireüses et de fire la tyîta du blô, de la lâna et du vîn.

Le reveran pîre Tyudelo l'ire pas di pié fîn degustateu du covein, mîn pe contre, passâve pou on tarriblo brise-fê pe son toupet quand faillive fire la tyîta por lo vîn à Follié. L'arevâve-te-pas à fire façon di pié dâmnô flamaçons du pahy ! Quand ci-ce, u cé, l'ire eingrindza et que reponday de la mima façon que li tray quâ de çâ mauvise cléqua li, pe de sottises que l'an yû su li crouê papay, lo pire Tyudelo, toti de bon-himeu, leu tapâve-te pas su lo veintro ein tzanteint et ein predzeint bon patué, tot comme se fosse jamay sortay-bas d'ino pe ces cotze yô que faut farrâ li dzenelhies.

Y'ein avay que ion su tot Follié que Tyudelo l'avay jamais possu fire capitulâ ; l'ire lo grô pîntié de Bagnes, vos cagnette preü cé de la grossa bliantse, on monstro dè mecréyant. Ce-li l'ire lo pié mauvi de tota la fornô de l'einfè ! Et portant, ci bougro de reveran-pire savay tellameint bin lo preindre que l'abordâve tsaque coup ein li deseint :

— Vo z'ite pas vargogneu, ona poteinslora d'impie comme vô, de portâ ona bârba de capotzin !

Et lo pîntié barbu criâve ein tutèyeint :

— Vin vè cé, parayzeü ! Te vézo aberâ, io ! Adonc, te faut mettre-bas la breinda ; io ballo rein por portâ vîya ! mi, por mettre bas pe lo cou, tant que te porri ein einfornâ dézo li mostatso !

Et lo capotzin, pas pié fou que cein, profaytiève adi.

On dzo dè l'an passô, que l'ay a zu ona respettâbla prayza, mi de vîn troblo comme la metzance, li z'âtro capotzin du coveint que l'âmon li finnes gottes se son dé.

— Atieütâ-vê, no faut dzohié ona fârce à Tyudelo, veüde-vô ? L'est jostameint allô orâ eintsi lo grô retzâ de Branfon, ci payein de Dzozet, on gaillâ que veüt rein ni veyre ni einteindre di capotzin, mi que baille vito ona bôna breindô por se debarrachi et baille jamay que du melieu que l'a. Et bîn, quand Tyudelo arrevèrèt celiâ atot la breinda, no faut agotâ lo vîn et lui fire ona retsegnâ. De çâ magnière-li no l'einpatzin de mèccliâ lo bon de ci dâno de Dzozet avoui lo pourro vîn di bônes âmes. L'est pas on abus, beügro que d'avay à min ona gotta de bon, on croay an comme ci-an !

Li-dessus, Tyudelo l'arreve tzardzâ comm'onâ mula et que sohlâve de cô dezo la breinda.

— L'est-te bon, que l'i de ion di farceu apri que lo pire Tyudelo l'est zu detzardza. L'i pas agotâ, que repond Tyudelo, mi faudret tant se pou vô môfyâ, l'est de ci d'on flamaçon !

— Agotin-adi ! Et vêrson ! li su on bosset et pouay trinçon.

— Quinta bougra de tsassoteri t'an-te ballia inque ! criont tui einseinblo ein retsegnein comme de sindzo, on se lasse pas cingueüji de çâ manyére. Et Tyudelo se met à agotâ assebin.

— Y'a pas manqua de tant retsegni, que leu repond, se l'est pas du vîn, l'est à min de brînga, de brînga de fran-rosô ! Li rusô l'an poay fotu lo vin du flamaçon din on petiou bossaton ein desein :

— Faut quand mimô pas lachié pêdre, l'est bon po li pouro !

— Et, de tein ein tein, quand Tyudelo l'a li sandales veryès, van tabochié lo tsoyon por bayre à la santé de ci monstro de Dzozet !

(Du Valais romand, 15 décembre 1897.)

p.c.c. D. Favre.